



Broj: 12-11-15-2854/23

Sarajevo, 10. 10. 2023. godine

Na osnovu člana 69. stav (2) tačka a), člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14 i 59/22) i preporuke Komisije za provođenje postupka javne nabavke kompjuterske i uredske opreme putem otvorenog postupka javne nabavke (obavještenje o javnoj nabavci broj: 296-1-1-17-3-25/23 objavljeno je na Portalu javnih nabavki 24. 8. 2023. godine i Sažetak obavještenja u „Službenom glasniku Bosne i Hercegovine“ broj 60/23 od 1. 9. 2023. godine), date u Zapisniku o pregledu i ocjeni ponuda broj: 12-11-15-2354-6/23 od 9. 10. 2023. godine, generalni revizor d o n o s i

ODLUKU
o poništenju postupka javne nabavke
kompjuterske i uredske opreme za LOT 6, LOT 7 i LOT 8

Poništava se postupak javne nabavke kompjuterske i uredske opreme proveden putem otvorenog postupka javne nabavke za:

- LOT 6, LOT 7 i LOT 8 jer nije dostavljena nijedna ponuda u određenom krajnjem roku.

Ova odluka stupa na snagu danom potpisivanja i bit će objavljena na službenoj internet-stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik Bosne i Hercegovine“ broj 39/14 i 59/22) Odlukom broj: 12-11-15-2354/23 od 21. 8. 2023. godine pokrenuo postupak javne nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2023. godinu, putem otvorenog postupka. Postupak je podijeljen na devet lotova:

- LOT 1: Storage uređaj za virtuelnu infrastrukturu (sa uslugom ugradnje i instalacije)
- LOT 2: Laptopi
- LOT 3: Računari – radna stanica (all in one)
- LOT 4: UPS uređaji
- LOT 5: USB – C dock
- LOT 6: Multifunkcijski štampač/kopir/skener/faks, A4 laserski monohromatski
- LOT 7: Mrežni štampač A4 laserski monohromatski
- LOT 8: Mrežni štampač A4 u boji tintni
- LOT 9: Rack ormar (sa uslugom ugradnje i instalacije)

Obavještenje o javnoj nabavci broj: 296-1-1-17-3-25/23 objavljeno je na Portalu javnih nabavki 24. 8. 2023. godine i Sažetak obavještenja u „Službenom glasniku Bosne i Hercegovine“ broj 60/23 od 1. 9. 2023. godine. Komisija za provođenje postupka javne nabavke kompjuterske i uredske opreme imenovana Rješenjem generalnog revizora broj: 12-11-15-2354-1/23 od 21. 8. 2023. godine, provela je postupak javne nabavke u skladu sa Zakonom o javnim nabavkama i podzakonskim aktima te o istom sačinila: Zapisnik o otvaranju ponuda od 25. 9. 2023. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-2354-5/23 od 30. 9. 2023. godine i Zapisnik o pregledu i ocjeni ponuda broj: 12-11-15-2354-6/22 od 9. 10. 2023. godine u kojem se navodi:

Za LOT 6 (Multifunkcijski štampač/kopir/skener/faks, A4 laserski monohromatski), LOT 7 (Mrežni štampač A4 laserski monohromatski) i LOT 8 (Mrežni štampač A4 u boji tintni) nije pristigla nijedna ponuda.“

Iz navedenih razloga, Komisija je preporučila generalnom revizoru da u skladu s članom 69. stav (2) tačka (a) Zakona o javnim nabavkama poništi postupak javne nabavke jer nije dostavljena nijedna ponuda u određenom krajnjem roku za LOT 6: Multifunkcijski štampač/kopir/skener/faks, A4 laserski monohromatski, LOT 7: Mrežni štampač A4 laserski monohromatski i LOT 8: Mrežni štampač A4 u boji tintni.

Uzimajući u obzir naprijed navedeno, odlučeno je kao u dispozitivu odluke.

Dostaviti:

- u spis
- a/a

